

**Maio, maíño  
ponte de pé,  
a ver se gañamos  
para un café.**

**Maio, maíño  
ponte de lado,  
a ver se gañamos  
para un xeado.**

Este ano en Laredo  
non paramos de viaxar  
a rebolos polo mundo  
por aire, terra e mar.

Desde Londres ao Xapón  
todos xuntos viaxamos;  
como está tan caro o avión  
todo nolo imaxinamos.

Vimos momias en Exipto,  
unha ópera en Australia,  
agora toca ir a Bali  
para descansar na praia.

De aeroporto en aeroporto  
fai e desfai a maleta;  
antes de que chegue o verán  
recorremos o planeta!

Os rapaces de Laredo  
estamos fartos de viaxar;  
só queremos sair ó patio  
e estar todo o día a xogar!

**Xa chegaron estes Maios  
e imos a protestar  
porque hai moitos deberes  
e moito que traballar.**

Inda que somos cativos  
xa sabemos traballar,  
fixemos a nosa horta  
para aprender a cultivar.

A rebolos polo mundo  
levamos o curso enteiro,  
coa mochila viaxeira  
e cantando unha muiñeira.

Nos recreos de Laredo  
coidamos do invernadoiro;  
plantas, flores e amorodos  
regamos con moito esmero.

**Quedan menos de dous meses  
para rematar o cole;  
os de sexto botaremos  
moito de menos aos profes.**

Xa chegou a primavera  
xa hai menos que estudar;  
pronto xa virá a festa  
e as vacacións de verán.

Este curso as tartarugas  
tardaron moito en chegar  
por faceres o Camiño  
amodiño, devagar.

Queremos ter máis saídas,  
viaxando por Galicia,  
ir cantando unhas cantigas  
en moi boa compañía.

Nós fixemos este Maio  
para poder concursar,  
pero non nos conformamos  
solo con vir a cantar.

Ata aquí o noso Maio  
feito con moita ilusión  
a ver se nos dan un premio  
para ir de excursión.

Este é o noso Maio  
feito con moita alegría,  
esperemos que vos guste  
e pasedes un bo día.

Redondela 010524

# MAIOS

Cono Laredo

